

# Penduduk terkejut lembu berkepala dua

MALANG, Jawa Timur - Penduduk Kampung Lawang di daerah ini gempar dengan kelahiran seekor anak lembu berkepala dua.

Harun, pemilik anak lembu itu berkata, sepanjang dia memelihara ibu lembu yang melahirkan lembu aneh itu, tidak ada perkara pelik yang berlaku.


Menurutnya, dia sendiri terkejut apabila melihat anak lembu yang lahir itu mempunyai satu badan dan dua kepala.

Kejadian aneh itu turut menggemparkan penduduk Kampung Lawang sehingga ramai yang datang ke rumah Harun untuk melihatnya sendiri.

Harun merancang untuk terus memelihara anak lembu aneh itu dan tidak akan menjualnya walaupun ditawarkan harga yang tinggi.

“Sudah bertahun-tahun saya memelihara lembu tetapi baru kali ini saya mengalami peristiwa aneh seperti ini,” katanya kepada

*Liputan6.com.* - AGENSI



**KELAHIRAN** lembu aneh ini menarik perhatian penduduk di Malang, Jawa Timur.